

Aktividade iha kada linha workshop

Domestic rice project
revizadu 21/11/2022

1. Workshop Dahuluk (Loron 0); Módulu 1

- Preparasaun rai 1
Halo kabubu, plester no niveladu
Bain-bain kabubu la metin no presiza hadia liu husi taka kuak sira ne'ebe mak iha.
- Preparasaun viveirus
Preparasaun fatin (viveirus biti), kari fini, kontrola bé
<Preparasaun>
Sekop, ensada, garfu, tali, dasi, metru no balde.

Hoban fini durante 24 horas nia laran no pre-germinasaun ba 24H, depois kari/tate fini pre-germinadu ba iha kateiru viveirus fatin ho fini nia densidade 100g/m (iha liman laran ida nakonu). Kanteiru viveirus fatin presiza estabelese ho métodu uza bé ne'ebe nia aas 5cm husi okos mai iha superfísiu. Depois-de kari fini, Kantredu Viveirus fatin bele taka ho hudi tahan iha inisiu loron rua hodi proteje atake husi manu no mantein úmidu.

Utilizasaun adubus depende ba rai nia fertilidade. Karik nesesáriu, aplika NPK (0.2kg ba 10m). Bele mos aplika biochar halo husi hare kulit (Labele uza hare kulit sira ne'ebe seidak sunu hodi evita variedade kahur malu). Kee drainajen no halo bé-sai fatin iha kabubu hodi kontrola bé nia nivel. Konaba bé nia nivel, depois-de kari fini, bé nia nivel tenki menus oituan husi kanteiru nia leten atu nune'e bele evita fini mout ba bé laran. Depois-de loron 3, bé nia nivel bele hasa'e to'o klean natoon bazeia ba hare-oan nia aas.

2. Workshop Da-2 (20 LDV¹); Module 2

- Adubu báziku (uza NPK)
- Kuda
Fokit hare-oan, kuda ho métodu rua (uza tali no caplak) iha entreliña 30cm (espasu ba liña) 15cm (espasu ba hare robon/hun) entreliña (22.2 hare-robon/m-2) ou 25*25cm (16 hare-robon/m-2).
<Preparasaun>

¹ Loron Depois-de Viveirus

Ensada, garfu, adubu, balde ka bote ba tau hare-oan

Agrikultór barak mak iha tendensia uza hare-oan ne'ebe mak tuan ona, nune'e presiza garante katak hare-oan sira tenki menuz husi semana 3. Iha kazu balu agrikultór sira fokit hare-oan halo barak abut kotu, nune'e rekomenda ba agrikultór sira hodi fokit hare-oan ho kuidadu no kompletu ho abut. No iha tempu kuda mos, agrikultór sira iha tendensia hodi kuda hare-oan ne'ebe barak liu duke tuir rekomendasaun. Asegura katak, agrikultór sira kuda hare-hun tolu selae númeru hare-oan sei la to'o hodi kobre ba area ne'ebe planu ona. Klean husi kuda hare mos pontu-de-erru seluk ida no agrikultór sira iha tendensia kuda klean liu. Mantein kuda hare ho klean 3cm selae agrikultór sira sei la atinji númeru hare-hun ne'ebe natoon iha 50LDV.



Preferensialmente, semana ida antes (maizomenuz lora 3 antes), preparasaun rai remata ona no iha tempu ne'ebe hanesan aplika ona adubu báziku NPK. Karik la konsge, Ita nafatin bele aplika molok hahuu kuda.

Kuda ho tali barak, tali ho marka ka caplak bele rekomenda.

3. Workshop Da-3 (34 LVD); Módulu 3

- Hamoos Duut
Uza Landa, kontrola bé
- Aplika adubu susulan métade husi Urea
Tempu no objetivu (ba númeru hare-hun)
<Preparasaun>

Landak (Luan 20cm ba entreliña 30cm, 16cm ba 25cm), ensada hamoos duut, adubus

Landak iha objetivu rua. Ida maka sertu katak hamoos duut no ida seluk fali maka kultivasaun ne'ebe bele halo sirkulasaun ar ba iha rai hodi ativa hare nia Sistema abut, partikularmente natar sira ne'ebe gas iha rai laran halo bé-furin sa'e. Furin ne'e la diak ba hare nia abut no bele perturba hare nia kresimentu husi abut. Mantein bé ne'ebe natoon deit iha tempu hamoos duut depois-de hamoos hatama bé halo nakonu to'o lora 3 hodi oho tia duut naun-akuátiku sira liu husi halo sira halo sira namlele iha bé leten.

Bele aplika urea 1/2 (50kg/ha) hanesan susulan dahuluk depois-de hamoos duut dahuluk nian, depois-de semana 2 tuir kedas ho hamoos duut daruak ho adubu susulan da-2 husi urea métade ne'ebe rai hela (50kg /ha).

4. Workshop Da-4 (Serka-de 60 LDV); Módulu 4

- Peste no moras

Variedade peste, utilizaun Pesticida, Jestaun Peste Integradu (IPM)

<Preparasaun>

Pesticida no spray ka rega, gráfiku hare-tahan nia kór

Diskuta konaba taxa diluisaun husi produktu kímiku uza eskala ne'ebe bele ser disponível ba agrikultór sira. (Babain produktu kímiku sira nia matan indika hanesan 20ml ou 30ml ou uza kanuru hodi sukat) Purezemplu iha kazu 500 vezes ka 1:500, ne'e signifika katak refere ba 10L (asumi deit katak ne'e tanki nakonu) husi bé, 20ml husi produktu kímiku ne'ebe presiza kahur. Labele halo overdosis. Presiza protesau ba liman uza luvas, matan no inus uza maskara no faru liman naruk no kalsa liman naruk.

Ita mos presiza atu diskute konaba Jestaun Peste Integradu (IPM) ne'ebe mak laos dependente deit ba produktu kímiku sira maibe mantein meiu-ambiente ne'ebe livre husi peste liu husi hamoos kabubu no mantein plantas sira saudavel nafatin. Purezemplu, duut funan sira hakiak walang sangit (nago/tirigo) no depois muda ba natar laran. Uza adubu barak liu iha tempu ida deit mos perturba fali balansu husi nutriente no peste bele ataka hare ho fasil liu. Ita mos bele koaliala konaba gráfiku hare-tahan nia kór ba nesesidade husi adubu kobertura (susulan), hodi evita overdosis husi Urea.

5. Workshop Da-5 (Serka-de 85LDV iha faze hare funan); Módulu 5

- Produsaun Fini & Manutensaun

Kalkula montante fini ne'ebe presiza ba época tuir mai, rogoim / fokit sai hare ne'ebe la hanesan, Oinsa atu mantein fini ne'ebe diak.

Koalia ba agrikultór sira katak MAP labele fornese fini ba sira tinan-tinan. Produsaun atuál husi fini ne'ebe iha mak kuaze 1/3 husi rekerimentu. Ne'e signifika katak kada tinan 3 agrikultór sir abele asesu ba hare fini ne'ebe qualidade. Entaun, sira presiza atu mantein fini ne'e maizomenuz ba to'o tinan 3. Mezmu nune'e manutensaun ba fini ne'e laos buat difisil ida no presiza deit konsentrasaun balu ba iha plot ne'ebe uza ba fini.

Karik agrikultór ida mak presiza fini ba época tuir mai ho montante 30kg ba 1ha, assume deit katak produtividade husi natar 3ton/ha, entaun agrikultór sira presiza deit natar 10m*10m ba produsaun fini. Iha nivel agrikultór nian buat ne'ebe importante mak fokit sai plantas naun-uniforme sira. Prosesu ne'e bele halo iha faze hare funan liu husi halo inspesaun ba hare funan nia kór iha tempu hare funan naklosu. Tempu hare tasak ne'e tempu ne'ebe hanesan ba produsaun no qualidade ne'ebe diak liu. Husu agrikultór sira tama ba natar no hasai tia plantas naun-uniforme sira. Babain, agrikultór sira dúvida hodi fokit sai plantas naun-uniforme sira no husik deit to'o tempu kolleita ne'ebe bele kauza kontaminaun ba fini.

(Loron kampu ba agrikultór/Farmer Field Day (serka-de 110 LDV)) -ida ne'e bele halo molok period kolleita nian.

Iha momentu ne'e;

- Fahe esperiênsia husi Agrikultór Modelu sira
- Sensitiza agrikultór sira ba ema sira ne'ebe hela besik area ne'ebe sira pertense ba.

6. Workshop Kolleita (serka-de 120-125 LDV); Módulu 6

- Kolleita
Tempu kolleita ne'ebe apropiadu, Métopu kolleita (inklui Rontok manual/pedal)
- Pós-kolleita
Habai no úmidu (kadar air)
<Preparasaun>
Sabir, dasi, karón, Luhu (ka lafatik) ou balde, rontok, lona.

Ida ne'e mak tempu hodi diskuta konaba kualidade husi hare. Kualidade husi hare deside husi tempu kolleita ne'ebe apropiadu no depois—de kolleita tratamentu prinsipal mak oinsa sira habai hare. Karik hare tasak to'o maran iha natar laran, entaun hare hahuu nakfera ka retak no, iha kazu balu, hahuu jermina ona. Depois-de kolleita, importante tebes hodi rontok sedu liu kedas wainhira posivel atu evita kontaktu ho bé. Nomos depois-de rontok, habai hare ho neneik menuz husi oras 3 iha loron ida prefere liu iha mahon natoon. Habai ba loron 3 to'o hare maran ho diak antes rai iha seleiru.

Hala'o levantamentu simples ba produsaun antes tia iha agrikultór modelu nia natar hodi hatudu ba agrikultór sira konaba estimasaun aproximada husi produsaun nomos diskuta konaba prátika diak liu husi komponente produsaun ne'ebe bazeia ba rezultadu husi natar.